

selben in ewiger Seeligkeit ohne auffhören vns erfreuen mögen / vmb Jesu Christi willen / Amen.

Die zehende Predigt.

Worinn ein gut Gewissen bestehe.

Exordium

Sola scien-
tia nō suf-
ficit, siue
ad vitz.



Geliebte in Christo : Es ist zwar an dem / daß wenn von waarer Gottseeligkeit vnd übung Christlicher / ja auch weltlicher Tugenden / gehandelt wird / die bloße Sciens vnd Wissenschaft wenig schafft / vnd der Mensch / in vnd bey dem solche Wissenschaft alleine wohnet / daher nicht Gottseelig oder tugendhaft genennet werden kan.

Za freylich machet dieses allein keinen rechten frommen vnd Gottseeligen Menschen / der in der Bibel vnd heiligen Schrift wol verliert vnd belesen / der viel Sprüche vnd Historien im Gedächtnuß hat / vnd dieselbe bey gegebener Gelegenheit in menge weiß zuerzehlen / der nicht nur wol verstehet / welches die fundamenta waarer Religion seyen / sondern dieselbige auch wider die Widersprecher vnd Falschgläubige weiß zuvertheidigen / der nach anleitung der ersten vnd andern Tafel von der Furcht Gottes / vom Vertrawen vnd Hoffnung auff ihn / vom Gebett vnd anruffung seines Namens / von der Lieb des Nächsten / von Zucht / Keuschheit / Nüchternkeit / Mäßigkeit / Erbarkeit / Demut / Gutthätigkeit &c. große Wort machen / vnd vmbständlich beschreiben kan / worinn eine jegliche solcher Tugenden bestehe / vnd was darzu erfordert werde : alles dieses / so es allein da stehet / ist nicht gnug / machet niemand fromb / niemand gerecht / niemand Gottgefällig / niemand seelig.

1.
Pietatem
& sancti-
moniam.

Zwar einfältige Leute lassen sich zu Zeiten durch solche Großsprecher vnd Maulheiligen behören / daß sie davor halten / wie die Wort lauten / so sey es auch mit dem Herzen bewandt / massen denn vor Zeiten die Pharisäer vnd Schriftgelehrten mit ihrem äußerlich heiligem Schein / mit ihrem Gespräch von dem Göttlichem Geses / welches das fürnemste Gebott in demselben sey / von der Liebe Gottes vnd des Nächsten &c. nicht wenig betrogen. Aber gar anders lautet das Göttliche iudicium vnd

Urtheil